

SAN MARTIN Y LUNGIARÜ

Por davagné l'Indulgënza dla Porziuncula él scrit dant da vijité la dljia dla ploania o na dljia franzescana y da perié le Pater Noster y le Credo, da jí a se confessé y ala comuniun (ince i dis dan o do chësta domënia) y da dí na oraziun do l'intenziun dl Papa (che inviëia tl mëis d'agost da perié, che la vita tles families devëntes cun la oraziun y l'amur un por l'ater tres deplü na scora de umanité.

SAN MARTIN

En dedemesaledema, ai 7 d'agost, dales 17.00 inant vëgnel indò sié la cortina. Chi che á dlauréla é dër bel peria da daidé. Da bur tëmp vëgnel sié le dé do.

LUNGIARÜ

I Stödafüch da Lungiarü inviëia ala Roda di Morins incö domëia, ai 04 d'agost, a Lungiarü. Na bela spazirada da jí a ti ciaré ai morins, lapró vëgnel pité te deplü posc de buna spëisa ladina te na bela cornisc musicala.

La Uuniun di Seniors da Lungiarü inviëia düc i seniors sura i 60 agn en domënia, ai 11 d'agost, dales 12.00 ala griliada tla ütia dla segra. Le cost porom é de 5,00 euro – prenotaziuns cina en vëndres, 09 d'agost, pro Annelies al numer 346 35 87 173. Gnide düc.

Le Sorvisc ai Jogn organisëia dal vëndres, 16 d'agost, ala sabeda, 17 d'agost, tl Zënter dla Jonëza SaJ.un a La Ila la "Nöt deboriada" por düc i mituns che á tut pert al Isté Deboriada. Les iscriziuns pón fá online sön www.proiec.org cina ai 07 d'agost.

"Musical Peter Pan – n jore de soms" metü a jí dal Sorvisc ai Jogn Val Badia é ciamó da odëi incö domënia, 04 d'agost, tla ciasa de cultura a La Ila dales 15.00 y dales 20.00 tan inant ch'al é ciamó lerch: info 0474 523 070 / info@jogn.org

Manifestaziuns dl'Assoziaziun Turistica ia por l'edema:

Sëra folcloristica cun le grup "Bal Popolar Val Badia" y intrategnimënt musical en dedolönesc, ai 06 d'agost, tla palestra d'Antermëia dales 21.00.

Conzert dla Musiga da San Martin en jöbia, ai 08 d'agost dales 21.00 tla palestra da Lungiarü.

Conzert de Treboton Trio, cun Alex Trebo, Max Castlunger y Marco Stagni, en vëndres, ai 09 d'agost, dales 21.30 tl Museum Ladin dl Ciastel de Tor.

Badia Musiga inviëia al konzert dl grup internacional de stromënc a fle "Tonschmiede" en vëndres, ai 9 d'agost, dales 21.15, tl salf dles uniuns a Corvara.

En gaujiun de 10 agn de ativité, inviëia la Orchestra Val Badia düc al konzert "Recorc de na sëra da d'isté", en vëndres, ai 09 d'agost, dales 20.30, tla dljia da La Val. L'Orchestra Val Badia porta dant müjiga de Händel, Bach y Vivaldi cun solisc y solistes dla Val Badia. L'entrada è debann.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

04.08. – 11.08.19 nr. 36

ultimo termo por comunicaziuns: jöbia dales 20.00

radio: 90,40 / 93,70

18ª DOMËNIA ia por l'ann C

Vangele do Lüca 12,13-21

Spo ti àl cunté chësc ejëmpl: I ciampoprà de n ël rich â porté dër tröp. Y al ponsâ sura: Cî dessi pa fa? I ne sa nia co ch'i dess abiné ite dōta la racoiüda. Inultima àl dit: I ô la tó insciö: I tirarà jō mies majuns y nen fajarà de maius; dailò abinarà ite dōta mia blâ y mies provijiuns. Spo podarà me di: sëgn aste tan tröp da na pert ch'al arjunj por tröc agn. Palsa fora, mangia y bër, y gōdete la vita! Dailò ti à Idî dit: Tō mat! Ciamò en chësta nōt ghiraran derevers da tè la vita. De chë saral pa spo dōt ci che t'as abiné? Insciö ti vara a vignun che abina mâ tesurs por sè instës, mo che n'è nia rich dan da Idî.



I oressun implí fora nosta vita te na maniera che nes fej contënc.

Vire ti fistidi por nosc dagní y nosta sigurté, y ciaré da se mëte al sigü cuntra desfortünes, maraties, medefüch y d'atri mai nes dá ala fin degöna segurëza.

Gejú ne dij nia: Godessla denanche morí!

y al nes consolëia gnanca cun le tëmp ch'i un ciamó da vire.

Mo al ó nes dé la ligrëza da vire la vita incö,

ojon nosta odlada sön ci che nes é scinché de bel y de bun bele sëgn:

Chël che vir tla presënza de Dî, ne se crüzia nia cun tēma por le dé da indoman, ne chir nia ma la contentëza te ci ch'al é bun da abiné adöm por se instës.

Deache Chël Bel Dî ti impormët la vita ia tl ater monn,

pol cun rajiun vire cun serenité le momënt da sëgn.

Al ne stá nia a d'aspeté cun les mans te gofa, mo se lascia condüje dal invit:

Chiride naota le règn de Dî y dōt l'ater ves gnrá dé lapró.

	SAN MARTIN	LUNGIARÜ	 La dljia de Santa Maria degli Angeli a Assisi é n post important, ince sce so inom Portiuncula (che ó dí: picia pert) ne dij nia gran tröp. Francësch d' Assisi, che n'orô avëi degügn avëis y ne se lié a nia sön chësc monn, á impó orü fá n'ezeziun por chësta picia capela. San Francësch savô che le rëgn de Di é istituí indlunch sôla tera, y al cherdô che la grazia divina vëgn scincada ca indlunch. Mo al â fat l'esperienza che chësta capela ê gnüda implida plü co d'atri posc cun trôpa grazia y vijitada dai agnui. Al ti dijô gonot a sù compagns: Sc'i gnëis parâ fora da ôna na pert, jide indô dal'atra pert ite. Deache chësc post é veramënter sant y na abitaziun de Chël Bel Dî. Chiló á l'Altiscim aumenté nosc numer canch'i ên ciamó püc. Chiló ál ilominé i cörs de sù püri cun la löm de súa sapiënza. Chiló nes ál inflamé cun le fûch de so amur. Chiló ciafa vignun do ci ch'al præia cun umilté. Porchël, mi fis, tignide alalt le post dl'abitaziun de Dî y aprijede chiló Idî cun döt osc cör cun iubilanza y cianties de lalt. <i>Ci che San Francësch s'audâ por súa capela, dess valëi ince por nosta dljia, ch'i junse tres indô ite a laldé le Signur.</i>
04.08.19 18ª DOMËNIA DL ANN C <i>Domënia dla Porziuncula cun indulgënza</i>	9.00 Corona 9.30 Gran Mëssa dla Comunité cun benedisciun dl tëmp	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp	
05.08.19 Lönesc <i>Santa Maria dala Nëi</i>			
06.08.19 Dedolönesc <i>Festa dla Trasfiguraziun de Gejú,</i>	19.30 Mëssa ++ Pire y Maria Unterweger +++ Arcangel, Anna y Monica Zingerle		
07.08.19 Dedemesaledema <i>Sist, Caietan, Edmund</i>	<i>Peregrinaje por i turisc sô La Crusc</i> 10.00 Prozesciun da insom le lift 11.00 Mëssa sô La Crusc	7.30 Mëssa ++ Scebio y Angela Nagler	
08.08.19 Jöbia <i>Domëne, Ziriach</i>	7.30 Mëssa ++ Paul y Loise Videsott + Dorotea Prousch Gasser (dl ann) Corona por vocaziuns		
09.08.19 Vëndres <i>Edith Stein, Roman</i> Confesciuns sô Oies 16.30-18.00	19.00 Adoraziun chîta 19.30 Adoraziun deboriada	7.30 Mëssa + Vito Clara	
10.08.19 Sabeda <i>Laurënz, Astrid, Filomena</i>	15.30 Mëssa tla Ciasa de Palsa 18.30 Mëssa prefestia + Erna Frenner	20.00 Mëssa prefestia dl ann + Emma Dejaco Clara +++ Sabina, Albino y Davide Daporta dl ann ++ Mariangel y Iudita Clara	
11.08.19 19ª DOMËNIA DL ANN C	9.00 Corona 9.30 Gran Mëssa dla Comunité cun benedisciun dl tëmp	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp	
Cun vigni picé s'arlontanunse dal amur y dala vita che Idî nes pîta. La conseguënza dl picé rovina nosc raport cun Chël Bel Dî y les porsones. Le raport roviné cun Idî y cun la jënt sintiunse cun möia y soferënza. Cun le pordonn di picîa ne n'é les conseguënzes negatives dl picé nia eliminades. Lapró él ince debojëgn de converjiun. Tla oraziun dl'indulgënza periunse do forza y aiüt por na converjiun sinziera.			